

文國化導全遁守元陶真人

真人諱潛字淵明於癸酉年二月勅封文昌化導兼職三籙
真人蒞壇典籙

陶真人謂陳子曰鶴子十年未接芝田苗熟乎近來春水雖涸
靈源自在曷不反本內求陳子對方做懲忿窒欲工夫曰懲忿
窒欲是強制工夫忿欲之心未嘗絕也養靈源是復性第一着
先機靈源出於天一發於崑峯降於玄牝長流不竭無事於添
自然傾注只因忿字一乘四炎交逼靈源化爲沸水由是則精
非本來之精易致枯竭神非原降之神易致斷滅氣非兩間之
氣易致衰耗况乎六欲朋從三口據吾真宅縱有真光從靈發

道藏輯要

玉諡

哭

鬼集五

出無奈權非我操悠悠蕩蕩沉爲下鬼而已迨至斯時欲忿欲
窒併強制而不可得所以爲人必先立基立基必先尋本知本
則基安三品方固心無事則源清俗不亂則源長念不欺則源
靜守此足矣何必如枯禪打坐

陶真人曰靈壇開化亘古良緣玉聖傳宗尤深慶幸蓋由昔年
劍子愛道之深敬鸞之至是以肇建壇基以垂後彥首發三願
直接玉光其願曰生生劫劫常侍帝前普化天下皆爲善人度
三惡道悉得解脫若以文字論之不過狂士之心耳不知劍子
此願直從至性中湧出連詞句亦不推敲洞見飛鸞一道直通
帝心奉鸞不退至於老死必得身侍帝前故曰願生生劫劫常

侍帝前者蓋從千魔不轉之性地中流出也其曰普化天下皆
爲善人者也不是誇已有善而能及人真見鸞音之妙將來鸞
化大行開明正道自然普化此句願力亦從愛鸞性中流出其
度惡道一條乃因新受煉度大法恐自己奉行或懈故立此誓
以堅已心其意曰惡道且須度脫况常鬼乎又其時性天開明
實悟人鬼一氣之機故立此二願人鬼一氣者何惡道充盈則
生民暴厲短折善人寡少則惡道報復劫苦更多若不寔悟此
境而立此願猶是書生文字耳曷足重哉

道藏輯要

玉詮

巽

鬼集五